

Nordisk Mesterkab Norge, Oslo 2009

Unammersuarneq Norge, Oslo-p kujatinnguani Kolbotn-mi ingerlanneqarpoq arfininngorneq 7 februar 2009. Unammersuartut tamarmik katillungit 200 missaanik amerlassuseqarput nunat avannaamiut Finland, Sverige, Norge, Danmark minnerunngitsumillu nunarput unammiaartortitaqarlutik.

Unammersuarneq ulloq ataatsimik sivisussuseqartoq angusaqarluarfiuvoq naak peqaasut nunatsinnit ukioq manna ikinnerungaluartut. Unamminerit siulliit meeqqani 15-nit ataallungit ingerlanneqarput taakkuninngalu tamarmik ujamminik pissarsillutik, ajoraluartumilli periutsinik takutitsilluni unammeriaatsimi (tul) tamarmik kvartfinalemi ajorsarlutik, ajorsarnitik nikalluallaatinginangit frikampimi amerlanerit pissartanngorarput.

Unamminerit meeqqat 15-nit ataallungit naammassimmata. Meeqqat mikinerit unamminerat aallartinneqarpoq nunatsinniillu kisiartaalluni Sara Jensen Sisimiut-neersoq periutsinik takutitsinermi angusarissaarpoq tassa kanngussamik ujamminnammat (Bronze).

Meeqqat 15-ninik ukiullit unammisaqattaarnerat naammassimmata, inuusuttuaqqat inersimasullu unammisaqattaarnerat aallartippoq. Unamminerni taakkunani inuusuttuaqqat inersimasullu akulerullungit imminnut unammisinneqaqatarput, ajuusaarnaraluartumilli inuusuttuaqqat ataasiakkaat kvartfinale tikillungulu ajorsartoqallattaavoq. Inersimasulli malunnaatilimmik inuusuttuaqqanik ingerlalluarnerullutik.



Eqimattakkaani unamminerni periutsinik takutitsinermi kalaallit ingerlalluaqaat oqaatingisariaqarlunilu tanngassimaarnartutut, tassani akunnerit sisamat iluanni sungiusaannarnikuullutik angusarissaaqimmata angutini eqimattat marluk imminnut finale-mi naapikkamik taamaattoqarneranik takutinneqarmat unammisartut kalaallit qanoq ilikkajatingalutillu suleqatingiillaqqitsingimmata, eqimattakkaanilu niviarsissat pissartanngorlutik taakku akornanni niviarsissat inuusuttuaqqat nukarlarsaat meeraammat 11-narnik ukioqarluni Sara Jensen Sisimiut-neersuulluni nuanneqaat angusarissaarmata.

Eqimattakkaarluni unamminerit frikamp eqimattat marluupput anngutini inuusuttuaqqanilu. Eqimattat 2 unamminermi siullermi ajorsarput ingerlaqqinngitsoorlutillu. Eqimattat 1 unamminermi siullermi aamma ajorsarput, kisiannili unamminerat assut pissanganarsimavoq nalingeeqimmata. Ingerlaqqinngittoorput.

Unammersuarnermi immikkut eqqaasariaqakkat pingaernerit ilarivaat inuusuttuaqqat angusarissaarnerusinnaangaluarmata inersimasunut unammisinneqarsimannikkaluarpata, tamannalu nunat avannarliit kattuffiannut tikinnermi ingerlaannaq naammangittaalliuutingineqarsimangaluarpoq sungiusaasut ataatsimiisinneqarneranni annerusumillu allannguissamik kinguneqanngitsumik. Aappaatingullu oqimaassuttit eqimaattakkaarnerini aamma oqimaassuttit ataasiakkaat akulerunneqarlutik. Tassa imaappoq oqimaassuttit immikoortortarissaarnerini 7 kg-mik nikingasarput akulerunneqarnermikkulli marloriaammik oqimaassusillit ilaatingut unammisariaqartarlungit. ITF-llu pisortatingoortumik malittarisassai unioqqutinneqarlutik.

Unammersuarneq tuavisukaarnartumik ingerlanneqarsimavoq unammiffiusut tassa bane-t sisamaasimammata, unammisunullu paarsisussamik agguataarineq ilungersunarsimalluni. Kisiat tamakku akunnattoorfiit pisimangaluartut qujamasuttariaqarpungut unammisut angusarissaaqimmata. Guldit 16-t, Sølvit 12-t, Bronzet 5-t, Årets Fightererlu ataaseq.



Ukiormanna Året's fighter-itut toqqagaasimasoq tassaavoq Johan Peter Halsøe, nuumminngaanneersoq, tassa pinnatarisimallugit; guld-it pingasut.

Immikkut aamma maluginiagassaapput Sarah Jensen Sisimiuninngaanneersoq, 11-iinnarnik ukioqarluni inuusuttuaqqat inersimasullu Tul-ini eqimattakkaarlutik unammineranni peqataanerminni guld-innaqataammat. Aammalu Steen Rasmussen nuumminngaanneersoq, inuusuttuaqqani unammisartuq, inersimasut unammillugit Tul-imi 2. Dan division-inimi guld-innammat.

Unammisut tamarmik ajunngillat unammersuarnermi nunarput sinnerlungu takutitsilluarlutik. GTF sinnerlungu angalaqataasut assorsuaq unamminernut ajunngitsumik sunniuteqarput ikiuulluarnermikkut aqutsinermikkulli tassaasut Lena Johansen GTF-mi sekretæreq aammalu utoqqaasani unammisartuq Karl Larsen 3. Dan.

Peqataasut:

Kunuk Hansen Sisimiut

Lars Sørensen Sisimiut

Sara Jensen Sisimiut

Lene Johansen Sisimiut (repræsentant & GTF sekretær)

Jonathan Stounberg Nuuk

Ineqi Kielsen Nuuk

Heidi Rasmussen Nuuk

Dina Møller Nuuk

Aksel Geisler Nuuk

Pavia Egede Nuuk

Salik Knudsen Nuuk

Johan-Peter Halsøe Nuuk

Svend Åge Johansen Nuuk

Steen Rasmussen Nuuk

Angula Kielsen Qaqortoq

Sanne Larsen Qaqortoq

Tina Nikodemussen Qaqortoq

Qillaq Kielsen Qaqortoq

Karl Larsen Qaqortoq (repræsentant & dommer)

Inussiarnersumik inuulluaqqusillunga,

Johan Peter Halsøe 3. Dan

Assisterende instruktør

Nuuk Taekwon-Do Klub